



Na osnovu člana 48. Zakona o policijskim službenicima Zeničko-dobojskog kantona-
Prečišćeni tekst („Službene novine Zeničko-dobojskog kantona”, broj: 4/14, 2/18, 1/25 i 16/25),
Uprava policije Ministarstva unutrašnjih poslova Zeničko-dobojskog kantona, o b j a v l j u j e:

JAVNI OGLAS

za popunu upražnjenih radnih mjesta policijskih službenika u početnom činu policajac i mlađi
inspektor u Upravi policije Ministarstva unutrašnjih poslova Zeničko-dobojskog kantona

Javni oglas se objavljuje za:

Početni čin „POLICAJAC“ broj izvršilaca 100

Početni čin „MLAĐI INSPEKTOR“ broj izvršilaca 5

I USLOVI ZA PRIJAVLJIVANJE NA OGLAS:

Opći uslovi za kandidate:

Kandidati moraju ispunjavati opće uslove propisane članom 46. Zakona o policijskim
službenicima Zeničko-dobojskog kantona, i to:

1. državljanstvo Bosne i Hercegovine,
2. životna dob između 18 i 27 godina za početni čin „policajac“ i do 35 godina za početni
čin „mlađi inspektor“ računajući do isteka roka za podnošenje prijave na javni oglas,
3. da ima najmanje IV stepen stručne spreme za čin „policajac“, a najmanje završen prvi
ciklus visokog obrazovanja 180 ECTS bodova ili najmanje VI stepen stručne spreme za
čin „mlađi inspektor“,
4. da ima zdravstvenu sposobnost potrebnu za obavljanje poslova policijskog službenika
propisanu Pravilnikom o zdravstvenim pregledima policijskih službenika Uprave policije
Ministarstva unutrašnjih poslova Zeničko-dobojskog kantona,
5. da nije otpušten sa bilo koje pozicije u organima državne uprave, institucija sa javnim
ovlaštenjima na svim nivoima u Bosni i Hercegovini ili vojne službe u Bosni i
Hercegovini kao rezultat disciplinske sankcije,
6. da nema bezbjedonosnih smetnji u skladu sa Zakonom o zaštiti tajnih podataka
(„Službeni glasnik BiH“, broj: 54/05 i 12/09),
7. da protiv njega nije pokrenut krivični postupak,
8. da mu nije izrečena pravomoćna kazna zatvora za krivično djelo,
9. da nije obuhvaćen odredbom člana IX.1. Ustava Bosne i Hercegovine.

Pored općih uslova koji se odnose na prijem u radni odnos policijskih službenika,
kandidati moraju ispunjavati i posebne uslove, i to:

1. Posjedovanje vozačke dozvole "B" kategorije.



Trg BiH br.1.Zenica, Tel. 032/449-249,
www.mupzdk.gov.ba
E-mail: mupzdk@mupzdk.gov.ba

II POTREBNA DOKUMENTACIJA

Uz prijavu (obrazac) na oglas kandidati su dužni dostaviti sljedeću dokumentaciju (original ili ovjerena fotokopija):

1. uvjerenje o državljanstvu (ne starije od 3 mjeseca),
2. izvod iz matične knjige rođenih (sa rokom važenja trajno),
3. diplomu o završenoj školskoj spremi IV stepena za čin policajac, a za čin mlađi inspektor diplomu o završenom prvom ciklusu visokog obrazovanja najmanje 180 ECTS bodova ili najmanje VI stepena stručne spreme (nostrificirana diploma, ukoliko škola nije završena u BiH ili je diploma stečena u nekoj od država nastaloj raspadom SFRJ, nakon 6.4.1992.godine),
4. izjava kandidata, ovjerena u općini ili kod notara, da kandidat nije otpušten sa bilo koje pozicije u organima državne uprave, institucija sa javnim ovlaštenjima na svim nivoima u Bosni i Hercegovini ili vojne službe u Bosni i Hercegovini kao rezultat disciplinske sankcije i
5. izjava kandidata, ovjerena u općini ili kod notara, kojom kandidat potvrđuje da nije obuhvaćen odredbom člana IX.1. Ustava Bosne i Hercegovine.

Osobe kojim je UN/IPTF odbio certifikaciju, u skladu sa članom 135. Zakona o policijskim službenicima Zeničko-dobojskog kantona ne podliježu općim uvjetima iz tačke 2., a kao dokaz kojim potvrđuju činjenicu da im je odbijena certifikacija dužni su, pored navedene dokumentacije, dostaviti i sljedeću dokumentaciju:

1. pismenu izjavu kojom dokazuje da mu je UN/IPTF odbio certifikaciju,
2. primjerak relevantnog dokumenta UN/IPTF kojim se potvrđuje odbijanje certifikacije.

Prijavni obrazac će biti dostupan kandidatima u sjedištu Uprave policije Ministarstva unutrašnjih poslova Zeničko-dobojskog kantona, u Zenici, Trg BiH br. 1., kao i na web stranici www.mupzdk.gov.ba.

Kandidati su dužni u prijavnom obrascu na Javni oglas navesti serijski broj lične karte i vozačke dozvole, naziv organa koji je izdao ličnu kartu i vozačku dozvolu, a Komisija za provođenje procedure javnog oglašavanja za zapošljavanje (u daljem tekstu: Komisija) će po službenoj dužnosti izvršiti provjeru vjerodostojnosti izdatih dokumenata za kandidate koji budu predloženi za upućivanje na osnovnu policijsku obuku.

Kandidati koji budu predloženi za upućivanje na osnovnu policijsku obuku su dužni dostaviti:

1. uvjerenje nadležnog suda da se protiv kandidata ne vodi krivični postupak.
2. uvjerenje nadležnog organa da kandidatu nije izrečena pravomoćna kazna zatvora za krivično djelo (uvjerenje o nekažnjavanju)

Samo kandidati koji ispunjavaju opće i posebne uslove iz ovog oglasa i koji su priložili svu potrebnu dokumentaciju i u prijavnom obrascu naveli sve tražene podatke imaju pravo pristupa testiranju.



Trg BiH br.1.Zenica, Tel. 032/449-249,
www.mupzdk.gov.ba
E-mail: mupzdk@mupzdk.gov.ba

Testiranje uključuje test fizičke sposobnosti u skladu sa kriterijima za utvrđivanje sposobnosti kandidata uključujući ocjenu morfološkog statusa koji je eliminatoran, test općeg znanja (test informisanosti koji uključuje pisani rad) i intervju.

Test informisanosti obuhvatit će pitanja iz sljedećih oblasti: ustavno pravo-ustavno uređenje Bosne i Hercegovine, Federacije Bosne i Hercegovine i Zeničko-dobojskog kantona, upravno pravo i organizacija uprave u Federaciji Bosne i Hercegovine, Zakon o unutrašnjim poslovima Zeničko-dobojskog kantona, Zakon o policijskim službenicima Zeničko-dobojskog kantona, kancelarijsko poslovanje, radno pravo, krivično pravo (materijalno i procesno), prekršajno pravo, propisi iz oblasti sigurnosti saobraćaja na putevima, javnog reda i mira, mirnog okupljanja, nabavljanja, držanja i nošenja oružja i municije na području Zeničko-dobojskog kantona, propisi o ličnoj karti, ličnom imenu, prebivalištu i boravištu građana.

U pisanom radu kandidati opisuju zadatu temu u vidu kratkog teksta.

Kandidat koji ne prođe jedan od testova isključuje se iz daljnjeg procesa odabira, a eliminacioni prag predstavlja onaj broj bodova koji je dovoljan za uspjeh kandidata na testu na osnovu Kriterija za utvrđivanje sposobnosti kandidata u procesu odabira za prijem policijskih službenika koji su sastavni dio Pravilnika o sadržaju, načinu i rasporedu testiranja kandidata u procesu odabira policijskih službenika-Prečišćeni tekst-("Službene novine Zeničko-dobojskog kantona", broj: 14/24).

Kada Policijski odbor odluči o svim podnesenim žalbama, policijski komesar sačinjava listu kandidata za upućivanje na ljekarski pregled i sigurnosne provjere. Ljekarski pregled kandidata obaviti će se u skladu sa odredbama Pravilnika o zdravstvenim pregledima policijskih službenika Uprave policije Ministarstva unutrašnjih poslova Zeničko-dobojskog kantona ("Službene novine Zeničko-dobojskog kantona", broj: 15/25), a bezbjednosne provjere u skladu sa Zakonom o zaštiti tajnih podataka.

Troškove ljekarskog pregleda snosi kandidat.

Objavljivanje zakonom propisanih lista i obavještanje o datumu, vremenu i mjestu testiranja kandidata vršiti će se na oglasnoj ploči Uprave policije Ministarstva unutrašnjih poslova Zeničko-dobojskog kantona i na Web stranici www.mupzdk.gov.ba.

Kandidati su dužni postupati u skladu sa navedenim obavijestima Komisije.

Kandidati imaju neometan pristup rezultatima svojih testova.

Pravo na žalbu Policijskom odboru kandidati će ostvariti u skladu sa članom 53. Zakona o policijskim službenicima Zeničko-dobojskog kantona.

Komisija na oglasnoj ploči Uprave policije Ministarstva unutrašnjih poslova Zeničko-dobojskog kantona, kao i na Web stranici www.mupzdk.gov.ba objavit će konačnu listu kandidata upućenih na osnovnu policijsku obuku.

Odabir i testiranje za prijem kandidata za čin policajac i mlađi inspektor u Upravi policije Ministarstva unutrašnjih poslova Zeničko-dobojskog kantona vršiti će se u skladu sa Zakonom o policijskim službenicima Zeničko-dobojskog kantona, Pravilnikom o sadržaju, načinu i rasporedu testiranja kandidata u procesu odabira policijskih službenika i Pravilnikom o



Trg BiH br.1.Zenica, Tel. 032/449-249,

www.mupzdk.gov.ba

E-mail: mupzdk@mupzdk.gov.ba

zdravstvenim pregledima policijskih službenika Uprave policije Ministarstva unutrašnjih poslova Zeničko-dobojskog kantona i isti su objavljeni na Web stranici Ministarstva unutrašnjih poslova www.mupzdk.gov.ba.

Odabrani kandidati pohađaju osnovnu policijsku obuku kao kadeti.

Međusobne obaveze kadeta i policijskog organa uređuju se posebnim ugovorom.

Kandidatima koji ne budu izabrani dokumentacija se neće vraćati.

Prijave na oglas sa potrebnom dokumentacijom (originale ili ovjerene fotokopije dokumenta) u zatvorenoj koverti kandidati mogu predavati lično na pisarnici Uprave policije Ministarstva unutrašnjih poslova Zeničko-dobojskog kantona, ulica Trg BiH br.1., Zenica 72 000, svakim radnim danom od 08,00 do 16,00 sati, kao i slati putem pošte preporučeno na adresu:

**Ministarstvo unutrašnjih poslova Zeničko- dobojskog kantona,
Uprava policije
Ulica Trg BiH br. 1. Zenica, 72 000
sa naznakom:
-Komisija za provođenje procedure javnog oglašavanja za zapošljavanje-
NE OTVARATI**

Javni oglas ostaje otvoren 30 (trideset) dana od dana objavljivanja javnog oglasa u dnevnoj štampi.

Prijave dostavljene na drugi način i prijave koje su nepotpune, neuredne i neblagovremene i koje nisu dostavljene na predviđenom i potpuno popunjenom prijavnom obrascu neće se uzeti u razmatranje.

UPRAVA POLICIJE



Trg BiH br.1.Zenica, Tel. 032/449-249,
www.mupzdk.gov.ba
E-mail: mupzdk@mupzdk.gov.ba



PRIJAVNI OBRAZAC

ZA JAVNI OGLAS ZA POPUNU UPRAŽNJENIH RADNIH MJESTA POLICIJSKIH SLUŽBENIKA U POČETNOM ČINU POLICAJAC I MLAĐI INSPEKTOR U UPRAVI POLICIJE MINISTARSTVA UNUTRAŠNJIH POSLOVA ZENIČKO-DOBOJSKOG KANTONA

(Pažljivo pročitati obrazac, čitko popuniti velikim slovima i označiti oznakom X u odgovarajući kvadratić)

PRIJAVLJUJEM SE ZA POČETNI ČIN: _____
(OBAVEZNO UPISATI)

PODACI O KANDIDATU:	
1. PREZIME	
2. IME	
3. IME OCA	
4. DATUM ROĐENJA	
5. MJESTO ROĐENJA	
6. JMB	
7. DRŽAVLJANSTVO	
8. SPOL	Muški ☐ Ženski ☐
9. NACIONALNA PRIPADNOST:	
Bošnjak ☐ Hrvat ☐ Srbin ☐ Ostali ☐ _____	

10. Adresa prebivališta i kontakt:	
Ulica i broj	
Mjesto	
Općina	
Entitet/Kanton	
Broj kontakt telefona	

11. Podaci iz lične karte:	
Serijski broj lične karte	
Organ koji je izdao	
Datum izdavanja	Važi do

12. Podaci iz vozačke dozvole:	
Serijski broj vozačke dozvole	
Organ koji je izdao	Važi do

13. Stručna sprema i zanimanje:	
Stepen stručne sprema ili ECTS bodovi	
Zanimanje / Stručno zvanje	

14. Podaci o radnom iskustvu:	
Zaposlen u	
Ima radnog staža/iskustva	_____ godina i _____ mjeseci

Mjesto i datum: _____; _____. _____. 202___. godine podnosilac prijave

(lično potpisati)

Napomene: 1. Uvid u Vaše lične podatke mogu imati samo osobe koje su uključene u proces prijema policijskih službenika.
2. Saglasnost sa stranice br.2. čini sastavni dio prijavnog obrazca.



SAGLASNOST ZA KORIŠTENJE LIČNIH PODATAKA U PROCESU ODABIRA KANDIDATA PO JAVNOM OGLASU

Ja _____ svojeručnim potpisom potvrđujem i dajem pismenu saglasnost za korištenje mojih ličnih podataka kroz cjelokupan proces odabira kandidata po Javnom oglasu za popunu upražnjenih radnih mjesta policijskih službenika u početnom činu policajac i mlađi inspektor u Upravi policije Ministarstva unutrašnjih poslova Zeničko-dobojskog kantona u skladu sa Zakonom o zaštiti ličnih podataka.

Datum: _____

DAVALAC SAGLASNOSTI

/potpis kandidata/

/broj lične karte/

IZJAVA

JA _____ POD PUNOM LIČNOM, MORALNOM, MATERIJALNOM I KRIVIČNOM ODGOVORNOŠĆU IZJAVLJUJEM DA NISAM OTPUŠTEN SA BILO KOJE POZICIJE U ORGANIMA DRŽAVNE UPRAVE, INSTITUCIJA SA JAVNIM OVLAŠTENJIMA NA SVIM NIVOIMA U BOSNI I HERCEGOVINI ILI VOJNE SLUŽBE U BOSNI I HERCEGOVINI KAO REZULTAT DISCIPLINSKE SANKCIJE.

DANA: _____

DAVALAC IZJAVE:

IZJAVA

JA _____, POD PUNOM LIČNOM, MORALNOM,
MATERIJALNOM I KRIVIČNOM ODGOVORNOŠĆU IZJAVLJUJEM I
POTVRĐUJEM DA NISAM OBUHVAĆEN ODREDBOM ČLANA IX.
1. USTAVA BOSNE I HERCEGOVINE.

DANA: _____

DAVALAC IZJAVE:
